

BKI: der kurs „Zaig-ont gadònken-pahòlt“

En sònsta as de 27 van oberel en gamoa'sol va Palai hòt se gahòltn der kurs „Patrimonio materiale e immateriale - Zaig-ont gadònken-pahòlt“, derkennt aa ver auspildung ver de learer. Der kurs hòt gabellt studiarn der tema van öln gschichtn abia an strument ver za learnen de lait ont de kultur van a gamoa'schöft. En de vria, de toalnemmer hom studiart de elementn van gschichtn van a vòrt, de schòrtn ont de struktur van gschichtn. Nomitto enveze hòt men klöfft van entnografisch museen ont abia as de sòchen meing prauht kemmen en de museen abia an strument ver za kontarn de gschicht van lait. De relatorn van kurs sai' gaben Daniela Perco, Claudia Marchesoni, Elisa Bellato ont Filippo Broll. Der programmi st der doi gaben: no

LORENZA GROFF

Minoranze Linguistiche

Home Corsi e seminari People Tirocini Ricerca

INIZIATIVE PER LE MINORANZE LINGUISTICHE



Universitet: an hoa'pildungskurs ver learer van sprochen minder kennt

S ist u'pfönk as de 4 van doi mu'net en sitz va de Universitet va Treit, der hoa'kurs as de taitschn sprochen minder kennt. Der kurs ist organisiert van Dipartient van Lear ont va Filosofi va de Universitet va treit, zòmm pet de unterstitz van Dinst ver de sprochminderheit van de Povinz.

De sprochen abia s ladin, s lusérnerisch ont s bersntolerisch, kemmen tsöck minderheit-sprochen oder sprochen minder kennt, no en zeil van lait as se prauhen keing de sprochen as kemmen mear prauht en an lönt. Ober de doin sprochen hom nicht va minder. De hom an groasn bërt ver de kultur, ver de prach ont ver de gschicht van gamoa'schöft. Der doi kurs kimmp no en projekt CLAM as ist gaben an untersuach ver za studiarn der stönt van sprochen mider kennt va de inser provinz pet en zil za meing verörbetn projektn va sprochpolitik. No de untersuach ist kemmen gamöcht "Linee guida per la tutela e la valorizzazione delle lingue cimbra, ladina e




mòchena in area dolomitica". Oan van projektn as kemmen vourtsechen no de untersuach ist de auspildung van learer va de schual. De Provinz va Treit untestitzt van ölbprojektn va hoa'auspildung, iberhaup ver learer ont ver de jungen as belln gea' za learnen za schual ober aa ver lait as horn an interesse ver za kennet pesser de inser gamoa'schöft. Being en sèll, der dipartiment van lear ont va filosofi va de Universitet va Treit, zòmm pet de unterstitz va de Provinz, hòt organisiert de doi zboate edizion van kurs IALM "Insegnare e apprendere lingue di minoranza". Abia tsöck, s ist an kurs ver za learnen abia as men learnen en e öndern a taitscha sproch abia de inser. Der erste tréff hòt se gahòltn as de viara van moi en sitz va de Universitet ka Treit, de öndern tréffen barn sai online, ölb der sònsta. Der kurs kimmp derkennt abia auspildungkurs ver learer.

LORENZA GROFF

De museen van Tol tea' bider au

DE SITZN VAN BERSNTOLER MUSEUM ONT DE AUSSTELL „KLÖFFEN, SPRECHEN, PARLARE - DURCH S BERSNTOLERISCHE“



Con l'arrivo della bella stagione ri-prende l'attività nelle sedi del Bersntoler museum e del Bersntoler kulturinstitut con la mostra "Klöffen, sprechen, parlare". Tante sedi, ognuna delle quali presenta al visitatore un aspetto, un momento della vita quotidiana e dei mestieri tradizionali nella nostra Valle.

De ausstell "Klöffen, sprechen, parlare - Attraverso la lingua mòchena - Durch s bersntolerische" mu bider pasuacht kemmen en sitz van Bersntoler Kulturinstitut en Palai. De ausstell ist kemen organisiert ver en earste vòrt en 2021 ont en 2022. Der tema ist de sproch ont der bërt as se hòt ver de lait. An iata sproch ist ist an schòtz ver an iats mentsch ont ver de gamoa'schöft.

aa. As de bëlt kemmen klöfft ungefer sechtaustn sprochen ont de mearestn sai' sprochen va sprochminderheit gamoa'schöft. S ist runt enerteressant sechen abia as se kemmen prauht van lait ont abia as se lem pet de öndern offiziell sprochen.

De ausstell "Klöffen, sprechen, parlare - Attraverso la lingua mòchena Durch s bersntolerische" stellt vorur en de lait, pet dokument, kuntschöftn ont lettratt, de bichtestn temen as kearn um en doi tema. En doi austell, s bersntolerisch pet de sai' simhundert jor van lem, ist a mittl ver za kontarn van tema van klöffen. De ausstell ist toalt en viar toaln; der earste stellt vorur en de lait der tema van learnen a sproch. S zboate toal paschraip de struktur van a sproch: de fonetik, de foniologi, de grammatic pet en sòtzlear ont de morfologi, ont van leistn de beirter. S dritte toal studiart abia as de sproch ist zòmmpuntn pet de gschicht van gamoa'schöft.

S viarte toal stellt vorur der stönt van sprochen haizengento: s bersntolerisch as kimmp derkettn abia a sproch, as kimmp galeart za schual, as mu prauht kemmen en de allgamo'aomtr ont as hòt de strumentn za kemmen tschrim.

Zòmm pet de ausstell ist s puach Percorsi della lingua mòchena, beng van bersntolerisch pet de órbetn van ziarzen relatorn.

Kuratoren van austell sai' de linguisten Daniela Mereu ont Claudia Marchesoni ont Leo Toller van Bersntoler Kultuin-

stut gieltsgott en de zòmmòrbet va Birgit Alber, Federica Ricci Garotti ont Daniela Mereu.

De offetzaitn va de sproch sai' de doin: en moi, prochet, heibeger on tagest, öll to va um zeichena de vria finz um zbelva ont a hòlbt ont va um zboa finz um viara nomitto. Leistages tont schammeal, van ma'ta finz en vraita va um zeichena de vria finz um zbelva ont a hòlbt ont va um zboa finz um viara nomitto.

An öndern sitz van Bersntoler Museum ist der Filzerhof. Doin jor ist er gaben oa'n van bichtestn heff van tol pet de sai' zboa'k ektarn va vèlt. Haitzgento, der museum za sechen hòt an pau pet en haus ont der stöll ver de hausvicher.

Ugahenk vinnt men de milchitt. Denim ist der görtn ont umenönder de bisn. Der hoff pet de paun umenönder ont der görtn, ist kaft kemmen en 1992 van Kulturinstitut Bersntol Lusern. De restaurierung, vour laischiar 30 jor, ist a runt bichtega órbet gaben, as hot gem en de insern lait de meglechkeit za sechen ont za learnen va enletern lait de órbetn abia as sai' a vòrt gatun kemmen:

der schintldöch, der stöll, der pfloster, s

haus ont ölls sèll as ist gatun kemmen van insern hòntbérker. De struktur van haus ont de platz van zimmer innbende,

sai' laischiar glaich plim finz haizengento,

asou za meing zoachen an guatn paispil va original haus.

Er ist offet en moi lai der sunta va um drai

finz um vinya ont a hòlbt nomitto. Der prochet, en vraita, sònsta ont sunta pet

de glaiche offetzait. En heibeger ont en agest, öll to va um zeichena de vria finz za mitto ont va um drai finz um vinya ont a hòlbt.

De Mil en Oachlait, as geat petn bôsser, mittn en vèlt paut pet gatros, lòk sechen abia as s gatros en mel gaòrbetet kimmp. S bôsser möcht riarn de zennreider ont möcht gea' de milstoa' as moln s mel. Abia èsszaig, ist a vòrt s gatros runt bichte gaben. Men hòt roken, gerst, hober tsa' ont en platz pet mehr sunn tirkenboaz ont boaz. Pet de gerst hòt men kocht suppn, gamolt ist se prauht kemmen ver za mòchen der kafé. S houbet ist prauht kemmen ver za gem za èssn en de vicher. Men mu gea' za sechen de mil en heibeger ont en agest, der pfinsta, der vraita ont der sònsta nomitto va um drai finz um vinya ont a hòlbt.

De Sog di Rindel ist a venezianeta sog ont de ist kemmen ausgarichtet abia museum ver za zoang de órbet van holz, de sèll en bòlt ont s ma'n. Men mu gea' za sechen sa en heibeger ont en agest, der sònsta ont der ma'ta va um drai finz um vinya ont a hòlbt nomitto.

Van moi finz en schammeal, olla de sitz van Bersntoler museum meing pasuacht kemmen va grupp aus de doin offetzaitn aa. Men mias se u'mèln en omt van Bersntoler kulturinstitut.

LORENZA GROFF